

正信偈註釋

全

特36
844

94
308

018185-000-9

特36-844

正信念仏偈注釈

蓮如上人著

M38.8

ABF-1298



蓮如上人著

正信偈註釋全

京都書林 西村護法館藏版

特36
844

正信念佛偈注釋

蓮如上人撰

正信偈百二十句行數六十是依三朝高祖明解釋26
粗述一宗大綱要義自偈初句至无過斯四明句四
句二十二行是大經意印度以下四句二行綴標
三朝祖師同頌淨土教意釋迦以下一十二句六
行之文是龍樹讚其初四句依楞伽經次之八句
是依十住毘婆沙論次十二句六行之文是天親讚
依淨土論次十二句六行之文是鸞師讚依論註
次之八句四行之文是綽公讚依安樂集次之八

內交

句四行之文是大師讚次之八句四行之文是惠心讚依要集次之八句四行之文是空聖人讚依選擇集次之四句是總結也

問正信偈者是何義乎答正者對傍對邪對雜信者對疑今是對行就所行法舉能信名大經意中歸命无量壽如來南无不可思議光

此一行二句者先舉壽命光明尊號為歸命願文云設我得佛光明有能限量下至不照百千億那由他諸佛國者不取正覺文設我得佛壽命有能限量下至百千億那由他劫

者不取正覺文

和讚云超世无上攝取選擇五劫思惟シテ光命壽命ノ誓願ヲ大悲ノ本トシタマヘリ善導言南无者即是歸命亦是發願迴向之義言阿弥陀佛者即是其行以斯義故必得往生文

法藏菩薩曰位時在世自在王佛所觀見諸佛淨土曰國土人天之善惡建立无上殊勝願超發希有大弘誓五劫思惟之攝受

此三行半者是明法藏發心見土思惟等相經云

棄國捐王行作沙門号曰法藏高才勇哲與世超
 異詣世自在王如來所乃至於世自在王佛即
 為廣說二百一十億諸佛刹土天人之善惡國王
 之嚴妙應其心願悉現與之時彼比丘聞佛所說
 嚴淨國土皆悉親見超發无上殊勝之願其心寂
 靜志无所著一切世間无能及者具足五劫思惟
 攝取莊嚴佛國清淨之行已上
 重誓名聲聞十方

此一句者三誓偈中第三行意即云我至成佛道
 名聲超十方究竟靡所聞誓不成正覺一行即是

第十七願成就意也

普放无量无边光 无寻无对光炎王

清淨歡喜智慧光 不断難思无稱光

超日月光照塵刹 一切群生蒙光照

此三行六句具舉十二光佛之名嘆其利益憬與

師釋云 无量光佛非算數故 无边光佛无碍不

无寻光佛无能入法障故 无对光佛非諸菩薩之所及故 炎王光

佛光明自在更清淨 清淨光佛從无貪善根而現故亦除眾生

歡喜光佛從无瞋善根而生故 智慧光佛無

不断光佛佛之常光恒照益故 難思光佛

正信念佛傳法錄

三

非諸二乘
所測度故
恒照不周
一耀之光故

无稱光佛

亦非餘乘等
所堪說故

超日月光佛

應

一々勝德如此又此中言塵刹者經云乃照東方恒沙佛刹南西北方四維上下亦復如是已既十方微塵刹土何有遺餘是以今讚云照塵刹本願名號正定業

此一句者十七願意所謂設我得佛十方世界无量諸佛不恙咨我名者不取正覺至心信樂願為曰成等覺證大涅槃必至滅度願成就

此三句者十一願意所謂設我得佛國中人天

不住定聚必至滅度者不取正覺

如來所以興出世唯說旃陀本願海

五濁惡時群生海應信如來如實言

此二行四句者是示如來出世本懷勸信受如

來實語所謂如來以无蓋大悲矜哀三界所以出

興於世光闡道教欲燃群萌惠以真實之利也

義家云言無蓋者猶無上也
也更無餘悲覆蓋上故

此文中亦

光闡者教法利人名為
道教下證理益物以為真

實真實利者指以名号
即是佛智

能發一念喜愛心不斷煩惱得涅槃

凡聖逆謗齊迴入 如眾水入海一味

此二行四句者是明煩惱罪障凡夫唯以一念真實信心得其證益

能發等者明信心相喜謂歡喜愛謂愛樂是則信樂 不斷等者論註下云莊嚴清淨功德成就者

偈言觀彼世界相勝過三界道故此云何不思議有凡夫人煩惱成就亦得生彼淨土三界繫業畢

竟不牽則是不斷煩惱得涅槃分上已問今註釋云得涅槃分今不云分如何

答分約初生約究竟宜畧此字或又為調七言字

數除之無失

凡聖等者是顯善惡諸機雖殊齊乘佛願同生報土无其差別論註上解莊嚴性功德成就釋性字

云又言性是必然義不改義如海性一味眾流入者必為一味海水不隨彼改上已

攝取心光常照護 已能雖破无明闇貪愛瞋憎之雲霧 常覆真實信心天

譬如日光覆雲霧 雲霧之下明无闇

此三行六句者是明弥陀光攝之益貪瞋障蔽雖不見之大悲无倦攝護無止得心不退必得往生

問曰若言无导光如來光明无量照十方國土无
所障导者此間眾生何以不蒙光照光有所不照
豈非有导耶

答曰导属眾生非光导也譬如日光周四天下而
盲者不見非日光不周也

元照弥陀經義疏云當知我輩處佛光中都不知
覺佛光常攝畧无厭弃猶如盲人居日輪下又如
溷蟲樂在穢處撫膺自責實可悲痛也三毒所覆
不見佛光義同盲人不見日光

獲信見敬大慶喜 即橫超截五惡趣

一切善惡凡夫人 聞信如來弘誓願
佛言廣大勝解者 是人名分陀利花

此三行六句者是顯念佛真實行者信心勝利聞
法本意在發信心故云獲信
即橫等者必得超絕去等文意

五惡趣者是五道也淨影師云今此約對弥陀淨
刹娑婆五道齊名惡趣地獄鬼畜純惡所向名為
惡趣娑婆人天雜業所向亦名惡趣若依此方修
習斷除先斷見惑離三途曰滅三塗果後斷修惑
離人天曰絕人天果漸次斷除不名橫截若得往

生弥陀淨土娑婆五道一時頓捨故名橫截也
義劣師云若就穢土下三為惡人天為善今對淨
土五皆名惡一得往生五道頓去故云橫截也

弥陀佛本願念佛 邪見憍慢惡眾生
信樂受持甚以難 難中之難无過斯

此二行四句者是明信受甚難欲令識知遇法要
益

信樂者光記釋云信有二種一忍許相或名信可
名異義同二欲樂相或名信樂或名信愛名異義
同也

百法論疏云何為信於實德能深忍樂欲心淨為
性對治不信樂善為業也唯識論云忍謂勝解此
即信回樂欲謂欲即是信果也依此等文信有二
義所謂忍許愛樂是也今信樂者即此二意
言受持者義劣師云受者作心領納故持者得記
不忘故也

難中等者經云若聞斯經信樂受持難中之難无
過此難也淨影師云約對前三明此經中修學最
難餘義餘法處々宜說開顯淨土教人往生獨此
一經為是最難也言前三者諸佛經道菩薩勝法

聞法能行是皆為難對三今經第一難也
問持此經入善惡二機更無所選何云邪見憍慢
等耶

答念佛之機廣且善惡置而不論雖然專以障重
根鈍為正機故先約惡人非除善人

印度西天之論家 中夏日域之高僧
顯大聖興世正意 明如來本誓應機

此二行四句者愍明三朝高僧弘教利生本心
顯大等者是顯釋尊發遣聖意明如等者是示彌
陀濟度佛願

龍樹

釋迦如來楞伽山 為眾告命南天竺
龍樹大士出於世 悉能摧破有无見
宣說大乘无上法 證歡喜地生安樂

此三行六句者是明釋尊未來記說楞伽經云我
乘內證智妄覺非境界如來滅世後誰持為我說
未來當有人於南天國中有大德比丘名龍樹菩
薩能破有无見為人說我乘大乘无上法住初歡
喜地往生安樂國此經文意真言行人謂約秘
教真宗學者為被念佛
內證智者弥陀五智

妄覺者聲聞菩薩不測如來智慧海也我乘大乘
无上法者念佛三昧龍樹讚中多讚弥陀誓首礼
拜故指真門自云我乘今言大乘无上法者即是
念佛佛以名號讚為大利又言無上功德故也就
中既說安樂往生是故釋尊未來記文龍樹出世
專為弘通弥陀教也

顯示難行陸路苦 信樂易行水道樂

此一行二句者判示難易二道得失其文源出十
住婆沙所謂難行道者謂於五濁之世无佛之時
求阿毗跋致為難此難有多途今畧之譬如陸路

步行則苦易行道者謂但以信佛目緣願生淨土
乘佛願力便得往生彼清淨土譬如水路之乘船
則樂

憶念弥陀佛本願 自然即時入必定

此一行二句者人能念是佛無量力功德即時入
必定是故我常念文意也

唯能常稱如來號 應報大悲弘誓恩

此一行二句者總結釋也遇易行法出離在心勤
應報謝他力佛恩

天親菩薩造論說 歸命无导光如來

此一行二句者標造論事述歸命意
依修多羅顯真實光闡橫超大誓願
廣由本願力迴向為度群生彰一心

此二行四句者是明所依真實之義又顯橫超他
力之益論中雖无橫超之言三經一論所說法門
法躰同故依彼經中或云超絕或云橫截今云橫
超又大師釋有此名目故云橫超大誓願也
彰一心者指我一心論主一心行者一心其心可
同是故釋云為度群生

歸入功德大寶海必獲入大會眾數

得至蓮花藏世界 即證真如法性身
遊煩惱林現神通 入生死園示應化

此三行六句者論五門中第二第三第五門意論
註下云入第二門者以讚嘆阿彌陀佛隨順名義
稱如來名依如來光明智相修行故得入大會眾
數是名第二門依如來名義讚嘆是第二功德相
入第三門者以一心專念作願生彼修奢摩他安
靜三昧行故得入蓮華藏世界是名入第三門為
修安靜止故一心願生彼國是第三功德相到出
第五門者以大慈悲觀察一切苦惱眾生示應化

身迴入生死，箇煩惱林中，遊戲神通，至教化地，以本願力迴向，故是名出。第五門，已必獲入大會眾數者。第二門，益得至蓮花藏世界者。第三門，益遊煩惱林，現神通者。第五門，益今除第一、第四兩門。

問五門之中，舉此三門，有何意耶？

答：第二門者，是讚嘆門。其讚嘆者，隨順名義，稱如來名，是肝要。故第三門者，其益蓮花藏，故就為勝益。今故出之。入四門中，以為最要舉。此二門，第五

門者，是出功德，還相迴向，利益眾生之至極。故依是等義，出此三門。

問蓮花藏世界者，是何土哉？

答：智光疏云：如言慮舍那佛坐蓮花藏世界。今言蓮花藏世界者，无量壽佛所居住處。准此世界，隨義為名。即是修行安心之宅。比如此文者，極樂花藏是一土也。

問花藏世界，純菩薩居極樂國土，五乘通入何一土哉？

答：分為兩土。且隨機見，達其深旨，非各別土。隨則

極樂大衆善根清淨土故實无二衆三衆之異依
之智論云一衆清淨无量壽世界今論說云蓮花
藏世界名異義同其理應知即證等者宥靜三昧
所入之土故得真如法性證也

本師曇鸞梁天子 常向鸞處菩薩禮

此一行二句者明朝崇重示其行德迦才淨土論
云沙門曇鸞法師者并州汶水人也魏末高齊之
初猶在神智高遠三國知聞洞曉衆經獨出入外
梁國天子蕭王恒向北禮鸞菩薩註解往生論裁
成兩卷也

三藏流支授淨教 焚燒仙經歸樂邦

此一行二句者先明今師歸法行狀新修往生傳
云初鸞好為術學聞陶隱居得長生法千里就之
陶以仙經十卷授鸞鸞躍然自得以為神仙之術
其必然也後還洛下遇菩提流支意頗得之間支
曰佛道有得長生乎其能却老為不死乎支笑對
曰長生不死吾佛道也旋以觀无量壽經授之曰
汝可誦此則三界無復生六道無再往至此吾金
仙之氏之長生也到鸞兼其語驟起深信遂焚所
學仙經而專觀經也

天親菩薩論註解 報土回果顯誓願

往還迴向由他力 正定之曰唯信心

惑染凡夫信心發 證知生死即涅槃

必至无量光明土 諸有衆生皆普化

此四行八句者依論註意粗述其意論註解者見
上所引迦才師釋惑染等者

問生死即是涅槃證者約深悟機惑染凡夫縱發
信心爭得其證隨而今教不明无相離念之義煩
惱菩提不二之悟何以關之

答非云凡夫直證此理而今名号万德所歸佛果

功德能信信心又起他力更非凡夫自力心行是
故發信稱其名號雖為不斷煩惱惡機依法功能
備此理也

必至等者生彼土已廣利衆生得自在也
道綽決聖道難證 唯明淨土可通入

此一行二句者綽公讚依安樂集演其義趣

道綽等者彼集上卷第三大門有五番中第五文

段引月藏經證聖道門末法修行得道難成結云

唯有淨土一門可通入路也月藏經云我末法時

中億々衆生起行修道未有一人得者文道綽釋

此文云當今末法現是五濁惡世唯有淨土一門可通入路文

万善自力賤勤修

此一句者同釋中或云一切眾生都不自量或云然持得者甚希是賤自力修行義也

圓滿德號勸專稱

此一句者是同釋中或云是以諸佛大慈勸歸淨土或云何不思量都无去心也是勸專稱念佛義也

三不三信誨慇懃 像末法滅同悲別

此一行二句者彼集大門第二之章有三番中第

三廣施問答釋去疑情下釋其文大略與論註同

其文云一者信心不淳若存若亡故 二者信心

不一无決定故 三者信心不相續餘念間故此

三句展轉相成以信心不淳故无決定无決定故

念不相續亦可念不相續故不得決定信故心不

淳與此相違名如實修行相應

一生造惡值弘誓 至安養界證妙果

此一行二句者是上云唯有淨土等之同章云縱令一生造惡但能繫意專精常能念佛一切諸部

自然消除定得往生此此文意也

善導獨明佛正意 矜哀定散與逆惡

光明名號顯回緣 開入本願大智海

行者正受金剛心 慶喜一念相應後

與韋提等獲三忍 即證法性之常樂

此四行八句之文者大師讚善導等者選擇集意諸師雖多獨依今師蓋請佛證指定古今明顯別意弘願正旨故也依之或云弥陀化身或勘經文真云教主釋尊再誕更不可准餘師者也矜哀等者明所機普兼善惡言定散者只是簡

機非其受法故對造逆造惡衆生舉定與散以為善機光明者禮讚前序釋意也所謂以光明名號攝化十方但使信心求念行者等者非指菩薩等覺後心只明一心念佛行者一念慶喜金剛信心與韋提者教行證三未云獲金剛心者則與韋提等即可獲得喜悟信之忍是則往相迴向之真心徹倒故籍不可思議之本誓故也言三忍者一喜忍二悟忍三信忍也喜忍者信心歡喜之相悟忍者悟佛智故信忍者信心成就之相

即證等者玄義序題門釋云捨此穢身即證彼法性之常樂意也

楞嚴源信廣

開一代教

偏歸安養勸一切

此一行二句者楞嚴讚標諸教中選歸安養偏勸西方

專雜執心判淺深

報化二土正辨立

極重惡人唯稱佛

我亦在彼攝取中

煩惱鄣眼雖不見

大悲无倦常照我

此三行六句者別依要集弁其義趣專雜等者彼集下末引群疑論問答之中明雜修人執心不牢

生懈慢國專行人執心牢固定生極樂國是判專

雜二修得失又所弁立報化二土得失文也

極重等者同集下本大門第八念佛證據門中出

十文內四依觀經所出釋之極重惡人无他方便

唯稱彌陀得生極樂要文意也

我亦等者同集上末大門第四正修念佛章段之

中有五門內中本第四明觀察門於中有三一別

相觀二惣相觀三雜略觀其雜略觀引彼觀經一

々光明遍照等文其下所釋我亦在彼攝取之中

煩惱鄣眼雖不能見大悲无倦常照我身文此文

意也

本師源空明佛教黑谷讚憐愍善惡凡夫人

此一行二句者黑谷讚是愍是稱智解悲心二德

真宗教證興片州選擇本願弘惡世

此一行二句者別嘆片州弘通巨益

還來生死輪轉家決以疑情為所止

速入速入空靜無為樂必以信心為能入

此二行四句者就選擇集舉釋義要所謂當知生

死之家以疑為所止涅槃之城以信為能入之文

意也

弘經大士宗師等拯濟無邊極濁惡

道俗時眾共同心唯可信斯高僧說

此二行四句者愍結諸祖拯濟之德勸可依信彼

等說耳

正信念佛偈注釋 了

明治三十八年七月廿日印刷
同 年八月一日發行

編輯兼發行者 西村 九郎右衛門
京都市下京區下珠數屋町東洞院西八幡町八番戶

大賣捌所 澤田 法文館
京都市下京區五條通高倉東入町

全 下村 法林館
京都市下京區五條通富小路東入町

全 西村 為法館
京都市下京區五條通寺町西入町

全 興 教書院
京都市下京區油小路御前通上町

全 頭道書院
京都市下京區油小路花屋町上町

濕美契緣述

●龍樹讚勸信錄 一冊 定價貳拾五錢 郵稅四錢

●天親讚勸信錄 一冊 定價貳拾五錢 郵稅四錢

●曇鸞讚勸信錄 一冊 定價五拾錢 郵稅六錢
播州東保福寺寺述

●善導讚說教 二冊 定價五拾錢 郵稅六錢

●帖外和讚說教 一冊 定價貳拾錢 郵稅四錢

●淨土和讚二首說教 一冊 定價貳拾五錢 郵稅四錢
但馬福成寺述

●四十八願說教 二冊 定價五拾錢 郵稅八錢
濕美契華師述

●阿彌陀經宣唱錄 三冊 定價五拾錢 郵稅六錢
濕美契華師述

●御傳鈔法話 三冊 正價金四拾錢 郵稅六錢
濕美契華師述

渥美契縁述

●教示章勸信錄 一冊 定價貳拾五錢 郵稅四錢

●淨土和讚勸信錄 三冊 定價九拾錢 郵稅拾貳錢

●大經讚勸信錄 一冊 定價參拾錢 郵稅四錢

●小經讚勸信錄 一冊 定價參拾錢 郵稅四錢

●諸經讚勸信錄 一冊 定價參拾錢 郵稅四錢

●現世利益讚勸信錄 一冊 定價參拾錢 郵稅四錢

●末代無智御文勸誘錄 一冊 定價貳拾五錢郵稅四錢

●超世本願御文說教 一冊 定價金三拾錢 郵稅四錢

●聖人一流御文說教 一冊 定價金三拾錢 郵稅四錢

●信心獲得御文說教 一冊 定價金拾錢 郵稅貳錢

渥美契縁著述

○現生十益報國談 全一冊 正價金貳拾錢 郵稅金貳錢

征露大詔喚發セラレテヨリ各宗派ノ高德カ變義報國ノ演說又ハ說教セラレタル編輯セシモノハ陸續發行セラルト雖トモ未夕普通ノ說教ニ時事ヲ交説シテ勸獎セシモノアルヲ見ス此書ハ大谷波前寺務總長渥美契縁師カ自ラ筆ヲ執リテ現生十益章ノ說教ニ時事ニ適切ナル報國談ヲ錯綜シテ辨セラレタル者ナレハ當今ノ時勢之ヲ普通說教ノ模範トシタムハ其裨益スル所鮮少ナラサルヘシ

渥美契華述

○起世本願御文說教 一冊 正價三拾錢 郵稅六錢

渥美契華述

○末代无智御文勸誘錄 一冊 正價廿五錢 郵稅四錢

